

四庫全書

經部

# 欽定四庫全書

經部

六書故

通釋  
卷一至  
三五

詳校官監察御史臣查瑩

洗馬臣王坦修覆勘

總校官降調編修臣倉聖脉

校對官編修臣陳昌齊

謄錄監生臣邵天惠

篆隸監生臣歸元培

欽定四庫全書

經部十

六書故

小學類二

字書之屬

提要

臣等謹案六書故三十三卷宋戴侗撰考姓  
譜侗字仲達永嘉人淳祐中登進士第由國  
子監簿守台州德祐初由秘書郎遷軍器少  
監辭疾不起其所終則莫之詳矣是編大旨  
主於以六書明字義謂字義明則貫通羣籍

理無不明凡分九部一曰數二曰天文三曰  
地理四曰人五曰動物六曰植物七曰工事  
八曰雜九曰疑盡變說文之部分實自侗始  
其論假借之義謂前人以令長為假借不知  
二字皆從本意而生非由外假若韋本為韋  
背借為韋革之韋豆本為俎豆借為豆麥之  
豆凡義無所因特借其聲者然後謂之假借  
說亦頗辯惟其文皆從鍾鼎其註既用隸書

又皆改從篆體非今非古頗礙施行元吾邱  
衍學古編曰侗以鍾鼎文編此書不知者多  
以為好以其字字皆有不若說文與今不同  
者多也形古字令襍亂無法鍾鼎偏旁不能  
全有却只以小篆足之或一字兩法人多不  
知如日本音畧加門不過為寰字乃音作官  
府之官却字不從寸木乃書為村引杜詩無  
村眺望餘為證甚誤學者許氏解字引經漢

時猶用篆隸乃得其宜今侗亦引經而不能  
精究經典古字及以近世差悞等字引作正  
據鏘鍾鑿鋸屎尿等字以世俗字作鍾鼎文  
卯字解尤為不典到此書為一厄矣云云其  
詆謔甚至雖不為不中其病然其苦心考據  
亦有不可盡泯者畧其紕繆而取其精要於  
六書未嘗無所發明也乾隆四十六年十月

恭校上

總纂官臣紀昀臣陸錫熊臣孫士毅  
總校官臣陸費墀

欽定四庫全書

提要



欽定四庫全書

六書通釋

宋 戴侗 撰

名者人治之大者也文者名治之大者也文忒則名亂  
名亂則實易名亂而實易則民聽惑號令昏法度舛禮  
樂壞而亂益生君子如欲善治其必由正名乎古之明  
民者觀於天文儀於地理比類萬物釐制百則以正天  
下之名以定天下之文簡而數約而備通而不越察而

不煩事物載焉法象備焉記曰黃帝正名百物以明民  
共財由黃帝而來以至于周上以道揆下以法守世修  
其物無敢差忒其在周官司徒掌之以教萬民保氏掌  
之以教國子外史掌之以詔四方及七歲則屬象背而  
諭言語劾辭命九歲則屬瞽史而諭書名聽聲音十有  
二歲王巡狩則大習之當是時也物同名書同文四海  
之內通達之國無尤言焉故名不貳實不遷而聽不惑  
百官以治萬民以察法度祭焉禮樂昭焉周之衰也官

失其守士失其學及秦焚書先王之迹一斷不豎自篆而八分自八分而行楷譌以傳譌繆以孽繆至于今日文亂極矣況於名乎由千載之下遡千載之上以探不傳之學其難已矣闕其所疑固以俟知者若其象類并失不應六義邈不可攷者雖聖人復起豈能鑿通哉傳曰非天子不制度不攷文如曰更正而大備之其在攷文之君乎

夫文生於聲者也有聲而後形之以文義與聲俱立非

生於文也生民之始弗可攷也已以理而逆之被髮羸形擊剝挽列以為衣食其氣未柔若禽獸然其知未闢若嬰兒然僅能號呼其欲惡喜怒以相告詔而已矣稍益有知然後漸能名命百物而號召之聲稍備矣文字未興也其類滋其治繁而不可以莫之徵也然後結繩之治興焉治益繁巧益生故有刻畫竹木以為識者今蠻夷與俚俗不識文字者猶或用之所謂契也契不足以盡變於是象物之形指事之狀而刻畫之以配事物

之名而簡牘刀筆興焉所謂書也象形指事猶不足以盡變轉注會意以益之而猶不足也無所取之取諸其聲而已矣是故各因其類而借之以其聲木之形可象也而其別若松若柏者不可悉象故借公以借松之聲借白以借柏之聲水之形可象也而其別若江若河者不可悉象故借工以借江之聲借可以借河之聲所謂借聲也五者猶不足以盡變故假借以通之而後文字之用備焉六書之義雖不同皆以形聲而已矣六書不

必聖人作也五方之民言語不同名稱不一文字不通  
聖人者作命神瞽焉芴其名聲命史氏焉同其文字釐  
其煩絜總其要歸而已矣夫文聲之象也聲氣之鳴也  
有其氣則有其聲有其聲則有其文聲與文雖出於人  
亦各其自然之微也有有形而有聲者有有事而有聲  
者有有意而有聲者有形而有聲者象其形而聲從之  
求其義於形可也有事而有聲者指其事而聲從之求  
其義於事可也有意而有聲者會其意而聲從之求其

義於意可也是三者雖不求諸聲猶未失其義也至於  
齟聲則非聲無以辨義矣雖然齟聲者猶有宗也譬若  
人然雖不知其名猶可以知其姓雖不察其精抑猶未  
失其粗者也至於假借則不可以形求不可以事指不  
可以意會不可以類傳直借彼之聲以為此之聲而已  
耳求諸其聲則得求諸其文則惑不可不知也書學既  
廢章句之士知因言以求意矣未知因文以求義也訓  
故之士知因文以求義矣未知因聲以求義也夫文字

之用莫博於諧聲莫變於假借因文以求義而不知因聲以求義吾未見其能盡文字之情也周禮九歲則屬瞽史而諭書名聽聲音史正書名瞽劬聲音聲耳治也書目治也瞽史劬修而後耳目之政不爽故侗嘗謂當先敘其聲次敘其文次敘其名然後制作之道備矣聲形而上者也文形而下者也非文則無以著其聲故先文而繼以聲聲陽也文陰也聲為經文為緯聲圍而文方聲備而文不足



天下之物猶有出於六書之外者乎其寡已矣凡天地萬物之載具於書能治六書者其知所以治天地萬物矣許氏之為書也不以衆辨異故其部居散襍不以宗統同故其本末離散凡予之為書也方以類聚物以羣分以辨其族父以聯子子以聯孫以統其宗宗統同族辨異故眠繁若寡而御萬若一天地萬物之富不可勝窮也以是書而求之則若數二三焉故曰知治六書者其知所以治天地萬物矣

侗之為書也先契以本文立一以起數是故數為首次  
二曰天凡本乎天者皆從上次三曰地凡本乎地者皆  
從下次四曰人次五曰動物次六曰植物次七曰工事  
七者備矣歸餘於禡綴疑於末而六書之道盡焉天地  
之大也日月星辰之昭也山川丘陵之廣也人事之殷  
也物產之夥也古今之長也治之以七者儼如也簡而  
不遺繁而不亂知吾說者之於天地萬物也其如示諸  
掌乎

天地萬物之生夥矣人者天地萬物之帥也故人文居  
多人道治而天地萬物之理得矣人事莫繁於口手故  
口手之文居多口手之動不失其則而人事得矣心也  
者身之帥也心之動也微而其應也巨凡天下之故皆  
出於心故心之文多而義最賾能治其心則能治其身  
能治其身則能治人能治人則能治天地萬物天地之  
間無餘事矣心之屬為字三百不失乎心之正者僅六  
十而已是以君子慎其所感也

天下之物名無窮而書有限也理義精深廣博而書之  
所可象者皆粗也然則書之用其窮矣乎曰易之為象  
也其初止於八因而重之止於六十有四其稱名也小  
其取類也近然而義理之高深廣博莫能踰焉孔子曰  
四營而成易十有八變而成卦八卦而小成引而申之  
觸類而長之天下之能事畢矣夫有物則有則則非離  
物也有器則有道道非離器也物有成形而理之精贖  
者難言也器有成象而道之廣大者難摹也含物象而

言理道者猶圖虛空而畫聲氣也必不覈矣是故聖人  
因器以著象立象以盡意引而申之觸類而長之而天  
下之精義靡有遺焉六書之作其稱名也小其取類也  
近所以覈象類之實而著事物之文猶一二上下之不  
眩也故其小也天下莫能破焉引而申之觸類而長之  
天下莫能載焉故格物之道莫博於書學書之道充類  
為大通於六書者可以通於知類通於知類者可以無  
不知聖功之始也道從是本為人之行路理從玉本為

玉之文理引而申之則道之廣大理之精微者無不道  
此充類之術也

凡書獨立為文胖合為字文猶八卦也文立而字孳因  
而重之猶八卦之為六十有四也假借以通之觸類而  
長之一言不足以盡名則合言以盡之兩言不足以盡  
意則合辭以盡之書窮則變變則通天下萬物之名理  
備矣富有之謂大業日新之謂盛德生生之謂易六書  
其備矣乎孔子曰下學而上達知六書之說者其幾於

易矣

六書三十篇人事居其半雖然天地萬物之繁亦人也  
天地萬物人所事也非人則天地萬物之名不立故曰  
萬物皆備於我矣此豈庶物之所能與乎哉知乎此則  
知性矣盡乎此則盡性矣萬物一原而性以類殊萬物  
同出於天而人受其中故惟人萬物之靈所謂性善也  
謂蠢動含靈咸同此性者謂馬之性猶牛之性牛之性  
猶人之性者也異教也奈何乎儒者之亦為斯言也噫

凡六書皆以形人聲而已矣有聲而有形者象其形則  
可以為書有聲而無事者指其事則可以為書有聲而  
有意者會其意則可以為書形不可勝象也事不可勝  
指也意不可盡會也則各因其類而儲之以其聲故儲  
聲多而義可知并與其類而莫之從則直假借以足之  
故假借多而義難求古人謂令長為假借蓋已不知假  
借之本義矣所謂假借者謂本無而借於他也合口為  
令本為號令命令之令去令之則為令平長之本文雖



未可曉本為長短之長

平聲

自稱而浸高則為長

上聲有長

有短第之則長者為長

上聲

長者有餘也則又謂其餘為

長

去聲

二者皆有本義而生所謂引而申之觸類而長之

非外假也所謂假借者義無所因特借其聲然後謂之

假借若韋本為韋背借為韋董之韋豆本為俎豆借為

豆麥之豆令鐸之令

平聲

作鈴

特以其聲令令然故借用

令字稀令伏令以其狀類鈴也故又從而轉借焉若此

者假借之類也凡虛而不可指象者多假借人之辭氣

抑揚最虛而無形與事可以指象故假借者十八九發

語之揚者有於

烏音

有猗有若有夫

扶音

有羌其抑者有抑

有繫有乃其平者有爰有載有肆有惟有式有誕有越

卒語之揚者有邪有與

平音

有哉有諸有兮有居

居之切

其

抑者有耳有爾有只有已其平者有者有也有焉有旃

有斯有思有忌

音記

順語則有然有若有必有益反語則

有弗有不有匪有靡有末有蔑有罔疑語則有何有奚

有邗有豈有曷有害

胡葛切

有安有焉

於處切

有惡

哀都切

有

避有胡有孰有或語閒則有於衣俱切有以有而有則有

之有所有斯有其嗟歎之聲則有都有俞有噫戲有嗚  
呼凡此皆有其聲而無所依以立文故必借他文以備  
用此假借之道也不知儲聲借聲之義者其為說必鑿  
六書之中天文地理人事物則備矣苟能因其自然之  
文以求其自然之則由是以稽聖人之言由是以通天  
下之故以之正心修身齊家治國平天下皆可以行其  
所無事矣鑿於文者必鑿於辭鑿於辭者必鑿於理鑿

於理者無所適而不畔道也其極也至於天地失其位  
萬物失其性故格物致知之患莫甚於鑿非特六書之  
故而已也

書云惟天聰明惟聖時憲詩云不識不知順帝之則夫  
有物必有則天之所命非人之所能為也雖堯舜文王  
之聖亦順其則行其所無事而已矣孟子曰所惡於知  
者為其鑿也如知者若禹之行水則無惡於知矣禹之  
行水也行其所無事也如知者亦行其所無事則知亦

大矣聖人既沒百家蠹起曲徑敗道巧言亂德皆由於  
鑿也侗於六書其所不知蓋闕如也不敢鑿也以鑿為  
知其於疑也可以無闕矣其於天則倍之逾遠聖人之  
道不明六書之學不講學者各以其知馳騁於穿鑿之  
塗詩書六藝之說始不勝其具其鑿彌深其知彌遠此  
侗之先君子所以拳拳於六書而侗之所以不敢鑿為  
之說也

六書推類而用之其義最精昏本為日之昏心目之昏

猶日之昏也或加心與目馬嫁取者必以昏時故因謂之昏或加女馬熏本為煙火之熏日之將入其色亦然故謂之熏黃楚辭猶作纁黃或加日馬帛色之赤黑者亦然故謂之熏或加糸與衣馬飲酒者酒氣酣而上行亦謂之熏或加酉馬夫豈不欲人之易知也哉然而反使學者昧於本義故言婚者不知其為用昏時言日曛者不知其為熏黃言纁帛者不知其為赤黑它如厲疾之厲別作癘則無以知其為危厲之疾厲鬼之厲別

作禡則無以知其為凶厲之鬼夢厭之厭別作魘則無以知其由於氣之厭塞邕且之邕別作灘則無以知其由於氣之邕底永歌之永別作詠則無以知其聲猶水之行永璫粲之粲別作璨則無以知其色猶米之精粲惟國語史記漢書傳寫者希故古字猶有不改者後人類聚為班馬字類漢韻等書不過以資竒字初未得其要領也所謂多學而識之非貫之道也

注疏未興經義常明注疏日繁經義益晦非經有明晦

學者不知六書故也自漢氏以來儒者各以師說轉相授受不揣其本不會其宗各自以意鑿通為說緣辭生訓析言破義而古書之精義愈不可見矣朱文公昉推訓故以釋經義學者稍識古書之旨然經為之解字推其故述者已煩而不能徧識學者已勞而不能徧通猶為未得其要也古之教者子生十年始入小學教以六書六書者羣經諸子百氏之通釋也六書苟通由是而往天下之書不待注疏皆可讀也六書不通而以臆說



繆為之注疏是瞽而為鄉者也祇益其迷注疏滋多學者滋惑是故古之學者簡而覈約而達用力省而功倍後之學者博而膚襍而不貫用力勞而功少

六書雖陋而其用博充類為大假借次之去繁從古然後精義著焉雖然古者書以刀筆載諸簡策費才而刀筆費畧故載籍繁國不能具韓宣子適魯始見易象與魯春秋然則晉主夏盟而猶不能具典籍也孔子曰夏禮吾能言之杞不足徵也殷禮吾能言之宋不足徵也

文獻不足故也杞宋世守先王之禮物而文獻猶不足  
徵也况他國乎况學士大夫乎學士大夫既不能盡見  
全書往往誦讀以相傳故得其聲而不得其文則一字  
而假借者數字傳其聲而不得其本則一字而貿易者  
數體棼然交亂不可勝一一之以義可也古者瞽史蓋  
時修之毫楮既興書道乃備然其譌謬乃有甚焉則未  
有是正於六書者也經傳諸書衆所習誦傳寫者多易  
以俗書版本既興始共謹守一點一畫不敢更易不知

其為守謫傳繆也如周易無皆為无則道家者流易之也唐玄宗天寶三年詔集賢學士衛包改古文從今文故六籍多用俗書惟周禮儀禮國語史記漢書傳習稍少故猶有未盡變者焉婁機作班馬字類取其字之異於俗書者傳以聲類子謂非特史記漢書為然也大槩古書假借居多史記漢書亦有假借不當物者若搜之為變讓之為讓教之為驚趨為趨黽勉為閔免妖為祆與𪔐𪔐為𪔐柴為𪔐惕為𪔐穢為𪔐霏為𪔐牽為𪔐𪔐

為穢隊為碌皆不當物不足悉取也司馬子長揚子雲皆好奇字故其辭賦太玄法言多奇字而不適於用予所不取也

先人曰載籍之興也肇乎文合文以成辭屬辭以達志畢志以成章辭助也者所以貫其文達其辭而暢其志也故學者必辨乎書名而味乎辭助辨乎書名而義著味乎辭助而意得窮天下之載籍無有逃乎此者不待注釋而皆可通

動植之類有萬其物禽獸草木蟲魚之書名各不過數十百有有字而不知其物者有有名而不得其字者西北多山物東南多水物姑以吾邦言之海之爪蟲曰羸曰蚌曰蛤曰蛤黎曰蚶曰煙曰蠟曰蠟曰蠟曰蟻曰螞曰蚱不可遽數邦人不能盡識也况異邦乎南人不能盡識也况北人乎南之不知北猶北之不知南也欲以一方之見而盡萬物之載難矣况其名物錯糅州異而縣殊以名而求諸書固常不盡以字而求其物又多不得予

書非能盡物也姑著其有徵而信者焉其所不知以俟  
知者若夫怪誕之說故所弗取也

外史失官而六書繆亂隸楷日滋而篆籀湮沒向微許  
氏說文文字之本幾於景滅而迹絕矣至於今而猶有  
考焉者許氏之功也吾先人教學文者必先六書學六  
書者必考於說文顧其書牽復於絕學之後裁成於一  
人之手猶未免有遺懼文字之所不可無者或見於其  
注說及他偏旁或一字而再見遺逸重複蓋多有之徐

騎省兄弟不能補正乃曲為之說殆類杜氏之於左氏  
何氏之於公羊氏也

六書始於象形指事古鐘鼎文猶可見其一二馬許氏  
書祖李斯小篆徒取形勢之整齊不免增損點畫移易  
位置使人不知制字之本○本象日之圓而點其中  
以象日中之微黑居偏旁之左者橢其形以讓其右而  
小篆遂作日 日 日 本象初月闕其左以遜於日  
小篆作 乃與肉無別 象其峯之隆殺譌

而為山 𠄎 豕 豕 本象其四足而尾譌而從巾  
燕 魚 本象其岐尾譌而從火凡此之類皆迷失其  
本文者也故予考之於古苟典刑之猶在者必備著之  
古書本用刀筆後世巧繆乃始有科斗玉箸柳葉諸體  
皆非本文也故予皆不取

說文

— 孫氏古  
本切

上下通也引而上行讀若因

息進切

引而

下行讀若還

U

孫氏口  
犯切

張口也

ノ

孫氏房  
密切

右戾也

象左引之形

ノ

孫氏分  
勿切

左戾也從反

ノ

ノ

孫氏  
余制



切 𠂔也明也象𠂔引之形虎字從此  
徐鍇曰象𠂔而  
不舉  
孫氏

切 流也從反 𠂔 讀若移 𠂔  
孫氏居  
鉤識也 𠂔  
孫氏

切 𠂔 月 鉤節者謂之 一 象形 𠂔  
孫氏  
於 匿也象𠂔曲  
禮切

隱蔽形按古今書傳皆未嘗有用此九文者凡書方圓  
曲直左右𠂔引往往皆因其形勢之自然初不成文豈  
有定名予無取焉

說文所載籀文率多增益點畫失文字之本如炎之為  
燦震之為𠂔旁為𠂔𠂔為𠂔𠂔為𠂔𠂔為𠂔𠂔為𠂔

為襲逋為逋送為遊殆後人傳會託於史籀之為也予  
無取焉

六書所以章名物也天有日月星辰風雨之名地有山  
川國邑土田之名人有骨體族屬官職器用衣服之名  
物有鳥獸蟲魚穀粟草木之名凡一言以為名者皆具  
於六書矣一言不足以盡名則合文以為名合文以為  
名者非六書之所能具也故先王之法有書有名三代  
而上名正而言順故學粹而義明三代而下其名亂其

言苞司馬相如揚雄之徒始務為奇字辟名以夸辨博  
自是以來為文字者昧於義短於理而驚於辭華苟務  
更名換字以為新奇故言天地者曰乾坤曰堪輿曰蓋  
輿曰穹壤言日月者曰烏兔曰羲娥曰曜靈望舒凡事  
物之正名皆以常見厭更為奇變而不顧於理義天下  
貿貿焉日入於昏潰回適學者眩於知去聲妨於業而迷  
於道相如之賦雄之太玄退之曹成王碑學者鮮能通  
其文辭雖能通之亦卒無所用揚雄多識古文奇字韓

退之亦慕為之六經孔孟之書未嘗用奇字而大道著  
焉古之為文辭也將以明民今之為文辭也覆以昏之  
古之為文辭也將以辨物今之為文辭也覆以眩之易  
曰當名辨物正言斷辭侗之為是書也亦以當名辨物  
正言斷辭通天下之志而已矣非敢夸辨博而自為一  
家言也

凡字書有二以文求之者其傳於今則有說文玉篇類  
篇諸書焉以聲求之者則有唐韻集韻諸書焉聲韻反

切之學古未之有也許叔重鄭康成諸人不過曰讀若某云爾漢末孫叔言創爾雅音義始立反語逮魏大行西戎用之以通釋氏之書於中國其法上以喉舌唇齒牙三十六聲為母下以聲之相侷者為韻而以聲韻二字反切之若東德紅反德為聲而紅為韻也商式羊反式為聲而羊為韻也反切既興天下之聲莫能逃焉聲易也韻陰也聲為律韻為呂今之為韻書者不以聲為綱而鑿者每以韻訓字故其義多忒聲之相通也猶祖

宗衆姓之相生也其形不必同其氣類一也雖有不同  
焉者其寡已矣韻之相邇也猶狸爰之似人解之似蛇  
蜀之似蠶也其形幾似其類實遠雖有同焉者其寡已  
矣台余吾我印皆為自謂之名爾汝而若皆為謂人之  
名誰孰若皆為問人之名此所謂聲之相通者也春之  
為言蠢也夏之為言假也秋之為言愁也德者得也祖  
者且也舍者舒也子者滋也丑者紐也寅蟻然也卯茂  
也辰言萬物之娠也已者陽氣之已盡也未者味也戌

減也宮中也商章也角觸也此所謂韻之相擬者也不能審聲而配韻以立義未有不為鑿說者也

專為文合為字會意以為字止於合三析而訓之至四至五是皆不得其義而破碎牽合以為之說也

凡字有從多而省者趨於巧便也從省而多者趨於巧繆也鍾鼎之文多巧符璽之文多繆鍾鼎之文予所取證者不少然不盡信者以其人自為巧也

凡文有自省而繁者一之生二三三口之生四品品又

之生収斂是也有自繁而省者水之為川為公為蟲  
之為蚩為虫骨之為冑為冑為冑是也有母容其子而  
從省者老之省為少而耄耄考者容馬虎之省為虎而  
虞度虛虛容馬蟲之省為虫而蠶蠶蠶蠶載馬虫之省  
為虫而螟蜚蟻蟻依馬此類是也有子孫其母者說文  
所謂從某省聲者是也有讓而從者 𠄎 之為目 𠄎  
之為舟 𠄎 之為車是也有讓而衡者水之為 𠄎 是  
也



字之子母相從聲義相爲或居上或居下或居左或居右有得變易者焉有不可得變易者焉朞峯峰峩峨萃崒鑿鋏松采謨謩豁豁榭櫟左右上下雖有變易不出乎一字此其可得變易者也杲杳易明厖垢唯售含吟召叨眇省悲悱愈愉意惜怠怡忠忡怒恢愁愀忘忙擘擗棄枯架枷衾衿褻裸此其不可得變易者也

有一義而後創一字以此釋彼終不近之如愛怒怨懼恩惠喜悅憤愠憂悲之類人所通曉字書引喻其義反

差凡入之所通曉不待注解者皆不贅解

名以旌實也有其物而無以徵之故為之名焉所以別  
同異辨庶物明民者也非所以誣民惑衆也怪力亂神  
孔子不語故怪誕之說皆斷而不取有其書而無其物  
者謂之虛名虛名載於書冊者為不急之察無用之辨  
實名通於俚俗者不載則闕於用故予舍虛而取實儻  
有餘力當盡萃書名之不當物者別為一編而辨正之  
以明民

說文闕漢帝之名尊君也侗以為不然禮曰臨文不諱如許氏之法是王者之名不載於六書而堯舜禹湯文武之名皆當刊而不載矣

凡方言往往以聲相禪雖轉為數音實一字也不當為之別立文姑舉其畧那如何之急言也温人呼奴諧切台人合作那二字為則皆切括人奴弟切吳人越人呼人為奴紅切今俗書作儂台人魚鄰切温人奴登切母古音莫古切又莫比切今俗通呼莫下切吳人莫回切

又上聲蜀人卽瓦切淮南呼社別立媽姐她文皆非也  
博雅孀妳乳母也女蟹切今俗謂乳母為孀漢人謂母  
媪姥凡此皆一音之轉也温人呼如為女癡切括人女  
朱切温台又女興切馨許生之急言也說文有𪔐吳人  
有寧馨語寧如之變也寧馨猶言如許生也凡若此者  
不可悉數皆不當立文者也予為六書三十年而才苟  
完每參校一部攤書滿案左采右獲手罷目眩輒撫書  
而歎曰焉以是為哉昔温公嘗謂平生精力盡於通鑑

一書通鑑既成學者據之以考二千載之興衰理亂如  
翻日歷也其較之徧閱諸史以求往古之統緒者可謂  
約而省力矣然溫公謂當時能閱之終卷者才一人而  
已今世學者僅讀書坊節本未有肯觀全書者也夫有  
成書而猶不暇於徧閱孰知夫作書者之難哉杜子美  
云良工心獨苦此固古人之所共歎也雖然是書要為  
人文之所不可闕者苟有用力於此者其知之矣

予為六書三十年而未卒功非直不敏不勤蓋不敢遽

成也天地萬物之載一形諸書矣時有今古方有南北  
天地之產萬不足名也以一人之心知一方之聞見而  
自以為能備天地萬物之載誣矣予觀古今字書皆不  
免舛復疏落之失蓋事物之浩繁錯糅紀述者莫難焉  
予之遲遲於卒書者非直不敏不勤蓋有待也雖然年  
運而往來日幾矣終於待則書之成未有日也故予姑  
約其三十年之功以為書孔子曰禘謚草創之世叔討  
論之行人子羽修飾之東里子產潤色之子書草創之

書也討論是正則以俟君子焉予觀釋氏之流以幻妄欺世越之新昌有錫厓石為大象者其高數十仞其始一僧為之不能成曰後必有繼我者繼之者數人卒底于成其長過于僑如塗以金碧煥然溢目愚夫愚婦望而稽首屈膝焉噫以彼之欺而猶有繼其志者吾書立宇宙之人文著焉庸詎知後世之無揚子雲也吾書非一家言也不吾鄙者繩愆糾繆匡其不及而補其闕以成不刊之典竊有望於後之君子焉

六書通釋



欽定四庫全書

六書故卷一

宋戴侗撰

書始於契契以紀數故首數次二天次三地次四人  
次五動物次六植物次七工事次八襍次九疑

數

一 於悉切數之始也畫如其數於六書為指事

說文曰𠄎古文侗謂弋非能古於一且從弋無義  
今惟財用出內之簿書用壹貳叁肆伍陸柒捌玖

拾阡陌以防姦易其從  
弋者當廢式式亦如之

一之指事

二 一 而至切數如其畫

說文曰  
式古文

二之疑

亟 亟 紀力切於書傳為疾急之義亦借用革棘又

去吏切於書傳為頻數之義

說文曰亟敏疾也從  
人從口從又從二二

天地也按六書有合三以成字無合四以成字者  
許叔重於亟字四析之而不得其義非同之所故  
安也亟篤昏從句疑句為齧聲孔子曰君子於其  
所不知蓋闕如也故凡所不知皆闕之以俟知者

又作恆 恆說  
文曰恆疾也

竺

小 二 丁 毒 切

說文竺從二竹聲厚也按竺字古無  
所見惟楚辭有曰稷維元子帝何竺

之味其辭意乃有并薄意非厚也西域  
身毒國亦號天竺張六切莫曉其意義

三

二 蘇 甘 切 數 如 其 畫 三 之 曰 三 去 聲

說文曰  
貳 古文

四

三 息 利 切 數 如 其 畫 亦 作

𠄎

說文曰象四分  
之形 𠄎 古文

一 之 會 意

十 是 汁 切 數 之 成 也 從 衡 相 乘 以 明 數 之 備 也

上 古 結 繩 而 治 未 有 文 字 先 契 以 紀 數 一 二 三 三

各如其數自五以往不可勝畫故變而為十以為  
小成之識變而為十以為大成之識所謂窮則變  
變則通者也數始於一成於十自是以往十十為  
百十百為千十十為萬十萬為億十億為兆為種

皆自十而乘之

說文曰惟初太始道立於一造分天地化成萬物二者地之數也三

者天地人之道也五者五行也天地之間陰陽交  
午也十者數之具也從為南北衡為東西四方中  
央備矣個謂許氏之說大矣非制文之本指也古  
之作書契者將以通知愚達遠近一古今開物成  
務者也其稱名也小其取類也近然後其著義也  
確一二三三五十本為紀數立文非為天地陰陽

五行立名也引而申之無所不通許氏之說在其中矣

### 十之會意

廿 二十切 二十之合稱也按今俗呼若念蓋二

十有尼至切之音故又轉而為念

卅 三十切 三十之合稱也

洪景虛曰今人書二十為卅三十為卅四

十為卅切 入符說文木字也 秦始皇刻石頌德之辭皆以四字成句 獨稱二十有六年三十有七年或曰維二十六年皆以五字為句 嘗得太山刻石本乃書為廿有六年其為二十三非司馬子長誤易之則傳寫之譌也

卅之會意𠄎聲

世 卅 舒制切三十年為一世人生三十而壯有室

始有子七十而老老而傳大約當世用事者三十年故以一傳三十年為一世說文曰從卅而曳長之亦取其聲按商癸卣世直作卅世又音泄記曰世柳之母死

丈 𠄎 直兩切十尺也入手中尺故從十從又長十

尺以為度老者疾者之所扶象之故亦曰丈

別作

老者然後丈尊之故曰丈人丈所倚也故凡所馮

倚者皆曰丈去聲

別作仗

十之齶聲

千 卅 此因此先二切十百為千人聲

俗又作什

博

博 補各切廣也

說文曰從專專布也按鐔博搏縛皆專聲蓋專有鋪音於博聲

為 借為博奕之博

別作博

一之齶聲

百 百 博陌切以十乘十為百十十之數也白聲

說文

曰百從白古作百從自白亦自也從一白數十  
百為一母相章也按伯從人白聲百亦當以白為  
聲鍾鼎文凡百皆直作白以白為自聲  
而不通以白為聲明而有微俗又作佰

百之疑

百

𠄎

說文曰二百也孫氏彼力切按古今  
無用𠄎字者然爽肅皆以𠄎為聲

元

𠄎

愚袁切生物之本始也物生於一故從一元

聲引而申之為首為大

說文一木從一從元一  
本從一元聲元聲為是伯

曰元首也從人從上

丕

𠄎

攀悲切大也古亦借用不

別作𠄎衆  
曰石經從十



五×吾古切自一至三積而上之不可勝畫也五為  
數之半故左右×母以為小成之識今郊野之為衡  
者梓人之為尋丈者至數之半皆×契之觀於此可  
以知書契之所從生矣錯×之義取焉亦作五通作  
午午割午卅皆此義也或曰錯×本義也借以紀數  
×之會意

爻  
×乎交切變動錯×之謂爻故從二×  
說文曰象易六

爻頭爻也按易因文以名書初不因  
書以立名許氏說非亦通作彖清

艾之會意

艾

XXX  
XXX  
凡切

孫氏力  
艾之衆也

艾之疑

爾

爾兒氏切詩云彼爾維何維常之華爾緜密也

說文曰麗爾也從口從艾其孔也爾聲按從口之義未達別作爾引之為密爾別

作迺迺借為爾汝之爾又借為辭助如是之合為

爾語曰鏗爾舍瑟又曰莞爾而笑爾與然聲義相

通亦通作尔

爽 爽 疏兩切爽之用二書曰故有爽德詩曰女也

不爽其義為差書稱昧爽又曰用爽厥師其義為

明

說文曰明也從  
攴從大爽篆文

文  無分切文理也象文理錯  說文曰錯畫  
也象交文 

商癸  
彝文



晉鼎  
文

又作



說文曰  
織也

傳曰宋仲子生而

有文在其手曰為魯夫人此文之本義也六書所以  
謂之文也上則天文下則地理中則人倫小之鳥獸  
草木莫不有文焉中庸曰文理密察傳曰經緯天地

曰文周語曰經緯不爽文之象也堯之文思舜之文  
明禹之文命皆是物也孔子曰大哉堯之為君也巍  
巍乎其有成功煥乎其有文章又曰文王既没文不  
在茲乎堯舜文王周公孔子文之至也詩書六藝文  
之所聚也學者必學於文然後可以格物致知故曰  
子以四教文行忠信又曰博學於文約之以禮流俗  
之失專以華采緣飾為文至以言辭為文章失之矣  
孔子曰周監於二代郁郁乎文哉吾從周孔子之從

周也謂其監於二代而極文理之精察也豈尚其文飾乎哉孔子曰伯母叔母疏衰踊不絕地姑姊妹之大功踊絕於地如知此者由文矣哉由文矣哉先人曰觀於此可以知聖人之所謂文矣引而申之則為文采文飾而質與文對考工記曰青與赤謂之文赤與白謂之章

別作  
紋

文之齟聲

斐 斐 斧尾切文采成章也詩云萋兮斐兮成是貝

錦亦借用匪

彥 彥 魚變切文茂美也說文曰從彡厂聲士之文

秀者因曰彥書云人之彥聖

彥

彥 彥里之切說文曰微畫也

疑當與  
彥并

爓

爓 郎干切爓班襍色成文也

上 下 · 一 上時掌切 上篆文 一 · 下胡雅切 下篆

文 上 下 之 文 各 指 其 事 而 義 見 又 去 聲

說文曰古文諸  
上字皆從一篆

文從二辛亦辰龍童音章皆從上徐鍇曰萬物莫先於  
一故古文上皆為一按六書術一於上者若天若雨若

不若六若末皆指其在上一之象非一也亦非上也衡於  
下者若土若丘若旦若至若四若豆若本若臣皆指其  
在下之象非一也亦非中也衡於中者若田若玉若母  
若士若朱非一也亦非中也上下非從一數而指事之  
畫同於一故  
附見一之後

### 上之齟聲

帝

帝都計切主宰之尊稱故天曰上帝五氣曰五

帝天子曰帝𡗗古文

說文曰從上束聲鄭漁仲曰帝象華帶之形即蒂字

也借為天帝  
帝王之帝

### 上之疑

旁

𠂔步光切四畔為旁

說文溥也從上𠂔方聲𠂔

作傍按旁不過四旁之名說文從上其義未明

又借其聲為旁皇之旁然

其旁之謂旁去聲亦作傍又蒲庚切詩云駟介旁

旁言強壯兒

陸氏補  
彭切

六書故卷一